

溫州府圖書館

曹評煉切之謹

六言齋詩鈔卷一

五古

嚴瀨

故人極富貴先生恒守貞坐釣澹泉慮難沽尚尚名我  
今返舊廬澄波濯塵纓山花莫相笑瀧水知予情

湖濱

我行闔閭國五湖烟水春縱橫棺與柳哀哉陳死人生  
者處華厦死者投水濱誰無罔極恩胡乃忍其親持此  
告官軍禮教安可論

乙亥

乙亥

乙亥

乙亥

乙亥

乙亥

乙亥

乙亥

乙亥

乙亥

乙亥

乙亥

乙亥

乙亥

乙亥

瑞安鮑作雨雲樓著



六言齋詩鈔 卷一

卷一

共 1 册 存 1 册 排架号 08670

少小慕終賈挾策心皇皇  
彼熊羆威設笑殛狸狼天寶鬱嵯峨雙溪清長州  
有天寶山雙溪浮海觀浴日倦鳥思南翔川途閱春晏行行至永  
康村路竹雞啼明星促曉裝回首望斗杓清輝照帝  
旁時許樂山元戎鎮津門

桃花嶺

山桃艷朱霞石竹生翠烟羣峰燦若笑清溪且鮮自  
我涉此嶺俯仰三十年一日潛蛟興後山互變遷連岩  
忽中斷重館成野老既代謝兒童亦華顛豈知與  
中人守道志益堅仰視白雲閒頽然卧雙肩

雜詠

張咏諸詩體嚴識高氣  
格得之唐初曲江拾遺諸公

08670

孟公性好客冠蓋如雲屯聲名傾四座歡宴難易陳酒  
酣跳梁舞獨為左阿君好德不如色投轄徒殷勤陳遵  
漢帝侈長駕乃遜西南夷即將發吏卒三郡揖弓馳父  
老前致辭三年民已罷相如頓發難崇萬世規故乃  
闕沫若中外一體提焦明翔寥廓羅者悲詞臣巧  
飾非辛苦當告誰司馬相如

如此謂馭元亭中人應  
亦首肯

子雲貪嗜酒好事載酒從草元方守黑坐茅亭中其  
泉不戲獻賦何自悔雕蟲美新不作頌何為嗟老窮楊雄  
次宗遺學館彥倫闢草堂無何裂芟製出為海陵即妙  
譽馳浙右意氣輕趙張慙愧北山移石徑獨周倫  
皂帽遠海去孤雁雲中遊德避湯九不事王

夜出複壁博平真逆儔龍竟若此徒為處士

詠古松為趙灌松老人作趙能詩善醫

華峯挿天表神秀鍾老松直幹既礪珂花實亦葺葺上

有百尺濤清響振高風下有千歲脂靈藥啟天功苑李

爭春華堅貞誰能同霜雪不改色歲久終窮

贈才雪齋兼呈林敏齋太史

招搖有奇樹秋來香滿山馨香何足貴服食駐人顏夫

君厭京塵倦遊且暫還翠豹隱霧谷文采何編爛努力

崇明德置身雲霄間志豈在温飽所費濟時艱

聖臣當直抗論切痼瘕無慈為脂與韋安梯隨朝班止

齋帝裾陳止齋先生瑞安人風期高可攀

林石筭之安西安

作客復送客輾轉難為懷念子冲霄翰遠遊亦復佳文

章成世運起衰在吾儕毋日少知己此事遂不諧思君

在遠道吾生忽已老長安多貴人大都致身早寂寂蕭

寺中百憂亂如草余寓琉璃寺臨別重贈言修名以為

寶

贈項仙植刺史

猛士挾大羽挽強輒命中大道夾長松輪囷任梁棟軔

車出關嶠龔黃亦伯仲萬家禮生佛窮穹碑屹不動葛

子祿無餘北海尊不空離合三十載醢雞猶在甕啜披

腹背毛羨此朝陽鳳

標格道而言亦宏遠

寄託深遠。起善用比  
再待之漢魏而其原出  
自風詩解存此意者稀

壽某翁代

攝提貞孟隄東方雲氣紫吾宗誕奇人猶龍命老子青  
 牛蹠紅塵上善總如水住世七十春仙棊半局耳已辨  
 一屋籌皓髮笑黃綺上國珍鴻儀故里重文梓有時出  
 唾餘珠璣散滿紙帶草生春庭穠花華~~榮~~桃李時傾玉  
 華蓋或倒中郎屣春風吹客襟滿座知名士小子未有  
 知法言示臧否壺中天地寬託處竊心喜~~持~~我常春藤  
 浩然歌樂只

壽某翁八表

朱閣颺華存高堂炳明燭大椿壽八千瓏葱隨意綠我  
 來瞻南山金樽競相屬蒼顏發醉紅一笑披朱襮滑上

釣璫翁百代連芳躅况有劉光網婦天付長生錄又有  
 韋賢兒高飛雲中鵠兒舞老萊衣翁唱紫芝曲羨翁貌  
 德音入世完太璞羨翁厚燕詒樹樹青葱玉從此壽無  
 疆天本因材篤

哭舅氏江聖魯

舅氏懋耆德柳下聖之和童顏赫如赭八十鬢朱皤  
 天子賜帛肉身受國恩多一石亦不醉玉豆新森駢  
 羅開情屬象戲觀者爛其柯少微忽已霄霞采芝誰與  
 歌俛仰想舊容鳩杖空摩挲愁心千疊山魂夢傷蓼莪  
 靈風颯然來洪覆慰悲哦時余丁父艱

輓董翁

得騷中招魂真意

孤南一星賈春歌罷四隣淚撒被遐澗况乃葭葦親緬  
想江都傅煒哉席上珍生小通經術橫舍聲振振齒高  
道彌邵穆穆無懷民賤子奉明恩新特製舊姻同巷累  
世歡不異朱與陳歲時晉朋酒言祝八十春云何厭塵  
網雲軒駕素輪拳拳懷昔疑欵浪浪淡治中德音亦未  
沫手澤亦未湮陟降庭戶間煮蒿契我真

擬行行重行行

吁嗟遠行客一別無還期舉尊復相屬相見在何時送  
君南浦濱揮手淚如縻鯉鯉潛深淵鴻鵠栖高枝緬邈  
客子行萬里繫我思中夜不能寐悲風蹙羅帷攬衣起  
長嘆衣帶緩如遺不如飲美酒昭然無所知

擬西北有高樓

高樓臨大路四顧無纖塵雕欄金屈成重霄出層雲中  
有絃歌者悲歌不可聞佳人懷清夜高節亮在君哀吟  
不自聊迴飈流清芬一彈再三嘆安知生死分願假冥  
鴻翼雙飛離俗羣

擬自君之出矣

自君之出矣幾度雁南飛一夜寒梅放春歸人未歸

擬橫塘詞

沙棠舟木蘭槳朝辭橫塘去暮泝橫塘上不見同心人  
但見孤月朗

寄題薛大松巖小照

我愛陶通明高坐聽松風白雲自怡悅千載誰與向長  
康貌幼與乃在丘壑中興寄本不淺名理亦焉窮翹翹  
薛夫子往往古人似維摩影亦殊碧瞳剪寒水我昔造  
其廬開鑿輒心喜亟煩張懿父瑤華贈纍纍自我走京  
塵搗來復三禩風露極北寒重腿怯步履君乃肯遇我  
清言重寘耳永懷磊何姿支叟庶倫比堪岩石氣青千  
尺風標美名矢歲寒心萬劫無渝此

題瘞古冢文後 為魏讓泉先生作

華屋顯者居零落亦何有人生非金石誰是長不朽骨  
肉為野土大地亦同久澤枯仁人心封壤一何厚俯仰  
觀古今雄談殊墨守賤子鈍如椎末學媿膚受解疏屬

抑徒勞牛馬走申旦誦鴻篇如達漆園叟

杜詩

修辭貴達意詩言志所之志意兩無取奚以文詞為所  
以陶家詩雄伯推拾遺劇心怵人目老橫真我師豈無  
毘陵花翠鬢了髻拖豈無百和香衫纓非蔥姿勇夫荷  
長戟哭將聽鼓聲或能樹一幟猶難擁大旗妙齡躡霞  
軌遐軌高論毋卑卑紛馳五十載迺復返故蹊賞心翫  
長句漏盡忘坐疲力雄句獨重精入語益奇錯莫嗤小  
道梯嶽同嶽崎

遣興 用少陵漢陵西南臺韻

曹評此詩笑兀變化

東洲氣候異午夏猶涼冷小生輒夜闌土重朱光永

氣象不窮得杜陵之筆  
格亦有近大謝語

至

日官舍倚名礮昏旦浩烟景空翠落前除方池涵萬影

長林風正吟禽歌雜蟲黽苦厭白鳥繁稍喜夕烽靜跨

鰲俯茫洋

鎮鰲山狀似鰲頭

孤雲逐漁艇蛟虬駕高濤變滅在

俄頃離章薄嚴樂悲遊惜管邴古渺情轉親道元味已  
領取適適匪他知歸歸孰並冷然蘇門嘯獨立層巒迥

羈懷

曹評入情語得中唐今勝

羈客常夢歸歸已少歡翅霜倒陸池蓮風摧田庭樹如

何方寸間側塞煎百慮鴟雛昔來翔冒然却復去蕭條

江天空潦倒齒髮暮絕筆兩經春蒼芽未敢注

皆鼎兒手錄今未卒業

歸詠

曹評溫厚

我來定海遊不唾定海井晨衙炯周防夕柝集深省孤

傲笑難降參謔恣多幸鼎鼎海色澄斤斤軍行整山光

入北牖仿佛義皇境衰既怪善忘老嬾苦便靜遺響流

達鴻遁迹隨野黽還往桂花時彌年信俄頃憶昨颺母

飛摧絕估檣影急雨傾天河十日餘涼冷才覺宿疾瘳

且喜塵事屏無睡神亦恬微吟宵轉永

余以庚寅八月之定海辛卯八月還瑞安

不寐

茶真宵睡減輾轉過深更往哲精相告浮榮澹不爭退

藏消泉慮同患繫羣生禮義存誠立經綸鑑古行謀沈

期鏟暴語重為釐兵痛定思仍痛悠悠天屬情



薄遊

惻惻兩河痛薄遊東海表士玩律未臧霜繁節已杪百  
川灌洪河方舟孰能掉永懷周任箴拂衣謝琴授班穎  
敢憚勞劉中匪務矯險難艱輕蛟濤崎危出霞嶠淺薄  
哀始安靜晦虧亦少但今古者懽豈必後人曉

曹許靜晦句康樂上乘語

六言齋詩鈔卷二

七古

巖子陵

巖陵先生清且高笑傲伊呂羞蕭曹振興節義真人豪  
聞道故人作天子釣竿漁蓑從此始東漢節義倡自子陵

蛩聲

秋陰欲雨蘋風生滿林絡緯哀蟬鳴天然法曲不辭賞  
吳歌水調空淒清八尺琉璃新睡足攬衣起聽秋林曲  
風吹別調清我心冰絃一洗箏琶俗

題張德榮畫花驄

風人佳致

瑞安鮑作雨雲樓著

看得空繞畫得出毛骨三  
句甚起杜詩讀書破萬  
卷下筆如有神亦此意也

開元宣王畫六馬花驄卓立花樓下風鬣霧鬣匪常姿  
匹向龍媒何真假太息仙禾廢玉山房精滅沒幾時還  
阿誰妙奪造化力太乙下眦繡毫間有無天馬三萬匹  
就中玉花推第一紛紛毛骨看皆空貌出驊駟真人傑  
鑿空蹄爪如鋼鉤回頭夾鏡旋雙眸虎身壯士氣相敵  
猛勢欲躡昆侖邱圖作回頭勢甚佳古來名將多馬癖  
每從絹素收奇蹟披圖忽憶曹將軍題詩獨愧杜陵客

贈曹秋槎

建安才子才量斗陳思雄傑真無偶分章抉漢裁雲手  
文采風流今尚存聞君三載未窺園蕭然四壁何足論  
男兒骨力堅如鐵磨礪砥礪成奇節生花之筆榮花舌

古質

人生富貴會有期出山須記在山時

大雪

元靈剪水風騷騷龍鱗飄泊徧神臯雙門古道行人絕  
中山亭上彈琅璈山川面目不曾識但見園林袞袞翻  
江濤照耀萬物色皆奪風來如刀面如割鸞絨不暖貉  
裘輕歎息貧兒尚無褐門外花飛三尺深紅爐錦洞畫  
沉沉溫屏暖玉難離手鸚鵡嫌寒只罵人此時邊朔飛  
將軍獵歸夜宴開金樽風毛雨血蔽平壤肉陵酒海鯨  
怒吞梁園詞客酣清夕筆掃天花落瑤席龍門重戴劇  
風流終南霽色成高格我今護落百不如蓬窓折竹閉  
門居洛陽高卧無人問夢到梅峯駐跛驢

迴環寄意深得風人  
之旨又復筆勢鬱勃  
置之國朝荔裳集中  
定亂楮葉

書蟬歌

書蟬貫食字殘我篋中書借問蟠蟠之腹何所有枵然  
無物長空虛胡不奔月為銀蟾流光徘徊照 帝居胡  
不入海為鯨魚跋浪倒翻蛟人廬徒然盜穴書一厨憑  
積敗氣非化俱藏身不足咎有餘蘭臺石室肯容汝金  
鉗玉鑷相剪除翠芸氣馥來七里倉皇四竄如齧齧何  
時化脉望形質才一放神仙有字汝不識一生逐逐終  
無狀嗟哉書蟬真可惜年年食字復何益

後母歎

黃口小兒能受書那知慈魂<sup>母</sup>早離王祥抱樹泣哀頓  
答詩書學刻草霜鏹刺手草不多阿娘嘆恚定如何啼

饑索食繞村走鬻牛躡足痛難受市門半載試裝香一  
去天南道路長南去北來走未已泉明有言亦人子少  
小無依信可憐伶俜飄泊年復年欲言屢拭腮邊淚老  
我聞之心亦醉願言相憐莫相棄大樹陰濃為汝庇

畫牡丹

雒陽三月春如海名園處處發霞彩<sup>飛</sup>鼠姑一夜繡苞開  
國色妖嬈千萬倍東皇風流本天縱仙葩持向人間種  
翡翠為葉璫為枝恩光不許凡花共獨有黃家良畫師  
天機高妙偶得之解衣旁薄寫東絹姚黃魏紫無羞池  
紅蕊當心檀一抹綽約殊絕含風枝四座咨嗟看未足  
應教供奉翻新曲又似太真出浴圖肌膚細膩如紅玉

化筆墨為雲烟

一笑嫣然百媚生六宮嬌面猶嫌俗笙歌百醉貴絕倫  
寫生之妙亦如神問君是畫還是真但覺雲屏深處十  
分春

題王某少時走馬邯鄲圖

邯鄲道上艷陽時綠楊一道青驄嘶追風躡影勢萬里  
碧眼胡兒不敢騎紫燕黃鸝亦殊狀千金買骨非皮相  
養成金埒驕有名少年意氣無公卿據鞍叱咤風雲生  
紫韁控過新豐市道上不聞鞭箠聲千里一息汗流血  
疾足泥沙如踏鐵錦衣起乘人中豪假手青絲閑且倍  
關心竹成龍城成汗馬功名虛建豎可復英雄髀肉消  
遲暮淒涼舊事已蹉跎入畫分明感慨多試向人前共

寫馬得閒逸之態  
與驍騰之狀相間又  
寫出人馬相得之致  
甚得盛唐人意

流覽春風微動憶鳴珂

鷺嶼吟寄京華故人

島中多大風寒暑無常

鷺嶼巖立南海中奔騰決莽來天風層巖峭壁勢飛動  
旬如萬馬聲行空昨日春過二月半吳綿卸盡還揮汗  
一夜寒風盪宿溫無冬無夏朝朝換我來鞭石驅神鼉  
長森飛御尻輪飄振衣直上蓬萊頂東西烏兔窮秋毫  
紫鸞鏡水矜羽毛長吟龍笛生波濤更誰遺我昆吾刀  
斬蛟截鯨青天高積氣重溟水翻墨黑雲萬里動風色  
玉堂美人在帝側且向南望天姥

樂城校書行

乙酉修樂去前志已越一百四十餘  
年殘缺殊甚

南馳龍江北析水纜解征驂卧古屋丹邱故人忽打門

岑嘉州格韻

奇麗語得之昌黎昌谷

扁舟又渡蜃江曲大令名高八俊劉開筵百拜三行酬  
我冠廷議皆名流高談為作十日留浮查一去天南洲  
準擬歸期當暮秋義和推車逼斗牛還來襤被城西樓  
良朋密坐散瑤帙漏盡丙丁繡甲乙太息十華八會書  
已殘誰道龍門能錄寶春來秋去墨一九扣槃捫燭天  
漫漫黃墨精謹吾豈取金根點窺心何安且將放失網  
羅事留作千年一鑑看玉蟲紛飛銀海眩青藜老子應  
相笑安得赤松盛露囊眼明一夕終千卷

放歌

學詩初學李太白又愛杜陵雄傑動心魄但恨枯腸老  
更枯斗酒那能篇累百興來撚斷一莖鬢髮白家詩

半格投老忽作樂成行海上名山劈面生眼前奇勝攬  
不得遊雁蕩不累兀如枯禪坐六更捲卷沉吟思忽發  
大海風迴聲澎湖祇覺寒芒萬丈出豈有浮名千古爭  
出門揮手一大笑天高霜肅斗北斗橫

悼鼎兒

仁宗皇帝十四禩日孟冬之月日庚子十三金徒挹箭刻指

申天上石麟下地始而父延陵講塾回偶遇林翁說都

市林文大觀善推星云是三吉會文昌况復臧生拜孔氏時余

聞之喜欲顛翻恐甘石言非是汗血龍媒出渥洼果下

粵駒那得此綿綳抱出真英物高鼻胡雛復長耳盈尺

青松千歲姿風雷破錯根不死豈知天道有反覆至今

淚湧長河水嗟余護落不如人偃卧荒園五十春愁成  
每覺乾坤窄悟徹方知日月新門無雜客庸非福家有  
傳經不厭貧熊兒未肯爭先路驥子猶堪刷後塵一生  
罅缺待汝補開濟經綸尚覬伸推頽衰白莫復惜天付  
瓊林化作身優曇寶相不長好慧業生天難重陳憶汝  
雙髻纔過膝葩經上口用心壹雷音默證華嚴術擺對  
已曉浣花律就傳危坐芝蘭室青鞋布襪外內寔孔融  
讓梨績懷橘入門不嘯狗不叱元朔炎荒余屢出跪送  
涕垂禮秩秩有時枉過良朋密高軒朗吟劇長吉曉曉  
頭角十六七郡朝藻鏡哀第士衡精思抽乙乙景純更  
贈生花筆繡衣星使掄俊逸旋堆青雕排風迅毛質羣

書蒼蘂花釀蜜蠅頭細寫盈笥帙纂輯江慎修先生禮書十帙盡得要領餘

皆有凌雲詞賦五續粟刻秀似率更翰墨體不失安絃

靜撫雲和瑟能步虛仰視天街畢星知三加在理雞鳴榔

干將出匣秋水溢矩步繩趨氣益謚藉藉聲名勳蓬華

黃姑隔渚未成匹暮見白絲間黑漆宣髮珊瑚纏項舊時

疾瘍醫刮垢占勿恤往年火繖擎秋日毒暑侵凌肺腑

室元珠甲乙余未悉先餌豨苓後芝朮庸師曠曠不可

詰元和凋傷汝竟卒鄙天仁壽數難必椎心號慟豈堪

迷路旁太息非闕暱孤雁哀鳴蟲唧唧是時已丑十一

月十日辰牌語聲歇只道神瑩精不竭孰料禍變有倉

卒身長已齊七尺牀魄歸旋歷千年竭生初著筴告朋

聲情酸楚

意遠而痛愈切

龜暗喜于公啟崇闕屈指星周二十暮可憐良子忽焉  
沒三春淚雨濕<sup>衣</sup>巾五夜啼鵲折心骨不羨油幢夾雙  
鉞不愛生金鑿萬室九老扶歸紫石宮一鶴飛下黃銀  
闕海濶天長奈汝何枯坐沈思常兀兀自斷此生問天  
鬼火青燐照白髮却憶趨庭軟語時我心落落汝心知  
浮生羈絆渾無着太始苞符繞夢思章元只合童烏解  
余注易皆瘞天翻增潘岳悲苦恨三極五葉入鑄遲坐  
鼎手錄今髓枯肉落空畏皮畏途但戒前車覆隨井都忘壯馬  
馳正齊邪齊洩厦莫艾或云痼癘重滋疑當時鉄鑄六  
州錯搶地呼天悔可追苑枯修短雖分定其來何自去  
何為南隣早睹明燈墜前歲除夕見燈墜樓少微星散古有之小

樓聽雨愁春盡上日尋芳恨冢壘無端唱和皆傷別讀

識真成腸斷詞客春作聽雨賦趁春林田五葉千金璧

真肥天屬信在茲銀荷添香灰未冷蘭<sup>錦</sup>閃閃搖空帷

病中刻意慎口食重供蜜教釘棗梨雪鴻留爪吉光羽

汝南月旦無瑕疵時藝經賈開他年會付巧匠削九重

泉路毋鬱伊畫工寫影非生面神妙已無虎頭癡形容

想像日漸遠吞聲躑躅清江麋大招須到稠<sup>桑</sup>驛遠遊不

識甘棠祠他鄉孤館鎖愁夢夢晴雲華月杲幽期少年

慙善子事父長歌幽咽耶哭兒况聞故交遞零落子美

複製八哀詩書空咄咄欲語誰青鸞翩翩寄此辭

丈人竟遭此痛極之事

恒風

警異意閩民生殊匪苟作

收更虛渾是善蒙莊語

翁州小縣大荒東夏徂秋到皆烈風林密晝夜號百籟  
長雲亂眼飄鴻濛濤迴隱映鼇背黑日出猶疑魚眼紅  
有時氛靈翕清廓火織絳綈撐晴空遠壑層陰歛復起  
陰晴一日百不同昨聞洲船行不利迴帆轉柁難為功  
六月十六十七諸島舟壞人溺幸無白跡弄赤丸已悲舟子迂海童箕  
師吳媪長鼓鞞留即商胡生事窮虎蹲蛟踞浪頭墨江  
闕咫尺不得通飄然塵外一老翁披襟散髮古堂中且  
敲柳癭訴真宰更碾檀輪招大鴻

飛雲渡

大溪小溪百曲流安陽江水并三州紅巖白塔晴飛雪  
夜夜濤聲入縣樓

丁香歎

丁香百結似傷春滿樹紅芳今已矣我是心腸木石人  
坐惜名花為春死

長生歌

休從丹灶鍊長生須向無生悟有生天長地久無終極  
根蒂都從太極生但令方寸涵太極闔闢陰陽變化生浩  
然正氣塞穹壤直與天地同生生顏淵雖夭錢鏗壽至  
今鏗死淵猶生忠臣義士得一體赤城炳炳亦如生登  
仙成佛總本此或墮左道難延生塵俗紛紛戲傀儡雖  
生之日已非生堪笑秦皇求不死莫信稽康論養生宣  
聖格言仁者壽惟有全理能全生理元宰氣真靈寶說與



修儒了死生

六吉齋詩鈔卷三

瑞安 絕作雨雲樓著

五絕

許石丞舒嘯臺

在邑東阜海濱許石丞景衡遺蹟

右丞舒嘯處海色上荒臺未信音塵絕濤聲日夜來

君子石

箕營山顛林介夫先生講春秋于石上先生年百餘歲隱居新歸邑人

一幅畫雙牛已識通明意新歸百歲翁片石還高寄

有句云一幅畫雙牛誰識通明意時王安石三經新義行故先生講學不任

高錄事

高則誠撰琵琶記至極和米二句雙燭交花則誠邑人

奇絕交花燭新歌到米糠至今千劫伎齊唱蔡中郎

虞處士

虞處士原稼隱居雙橋太守何公文淵訪之夜深無酒代以醋時謂之醋交邑人

高逸

雙橋明月夜無酒亦無肴乘興東嘉守終宵作醋文

許隱君

琴瑟松風在時人自不聞許君有真意何必問陶君

隱君高逸過於貞白

菽翁亭

陸放翁嘗為瑞安簿有祠祠前有亭簿舊

微官何足道文采自堪誇想見亭中人軒軒凌紫霞

耕綠亭

城北錦湖四面皆湖田綠秧與碧水相間

耕綠亭何處傳聞傍錦湖秧田春雨足綠滿水晶壺

止齋

陳止齋先生居仙岩山水奇勝先生與朱子友善朱子特訪之為書溪山第一勅崖上

新竹纔過瓦書多室不虛止齋如止水清絕舍人居

先生官中書舍人光宗不朝重華宮率裾泣諫不聽繼告勅出國門歸里名其齋曰止齋

幽慵齋

高則誠元進士與劉蕙伯友善

夢覺聞啼鳥荒亭庭長綠苔幽慵高士卧幾度可人來

八一軒

任太常道遜著集雲山樵稿邑人

坐卧琴書裡流雲八一軒太常冰玉質歎墨灑清言

即事

漳署

意致自真

素位應雌伏何心假虎威芙蓉池上客猶著芟荷衣  
欲作先賢傳青雲在故山摩挲金玉管名字滿人間

五言律

和王莢山人游福金山

王莢山元高士邑人

陶石幽栖處三三紀勝游

道書三十三福地陶貞白嘗

居此藥苗曾種玉龍瓜自耕流雲木皆清舉神仙本謬

曹評筆格亦清舉

悠誰能將萬卷更貼竹間樓

振玉亭 仙岩瀑布下有振玉亭在梅雨潭上

五六意格與前游福全山中

終歲黃梅雨瑋潺雅佩聲斗然千仞峭流出一泓清水

石皆神品行歌非世情幼與敦風好重與嶽岳靈盟

送洪叙堂之京 青門設祖帳白日下高城渺渺一方水悠悠萬里情市

樓春釀熟山驛暮雲平不患朝歌盜書生慣請纓 滑縣

時有盜賊

春闈時寄方雪齋

老馬雖知路鹽車力易窮關心惟舊雨得意此春風錦

段平分去秕糠一掃空青雲生足下才信萬夫雄

苦雨 在漳州

未秋先小旱送暑竟愁霖昨喜新苗長將毋積潦侵年

豐苻盜少水溢杞憂深作椽無三字空懷報國心

輓朱閣學 方增號虹材海鹽人

玉陛頻難燭金闈又奪袍驂驪千里駛雕鷗五雲高裁

詔 絲綸美掄材月旦勞斯人不可作誰為領風騷

清標朱庶子壯節許將軍 朱為庶子時與許樂山元戎

善痛飲燕山雪悲歌鷺渚雲猊書纏石氣龍劔動星文

何處將雙劍淚春風宿草薰

憶昔東津駐曾論北土綿 余在析津嘗與君論北方水

利農田 知昔雖異地藉手已回天慷慨陳安曲勤殷勤

草步筵林宗謬相許撫事一潛然嘗贈余楹帖云絕學共推周茂叔高風真似郭林宗

挽林敏齋觀察

起筆洒然出塵

錢唐江上淚相對灑秋濤君昔與余俱因名場汗驥愁陵阪風鶴

迅羽毛牙槽龍節重君入詞館出繡斧冠高有約歸

江嶼空悲素錦綢往歲告歸未至卒

登堂一醉後辛巳秋訪君于與頭逝水十年餘楚鶴無迴權秋魚

乍製書商量營別墅倉卒對塗車邑里災方告瘵飢願

又虛君嘗與許樂山謀置義倉救飢今茲救貴二君皆已逝

鳥語

超壯

莽莽海雲間懷歸人未還幽禽終日語征鷓幾時閒漁

子每伺叔巡師不容逸興發題清竹愁凝負碧山幾回

傷往事襟上舊痕斑

懷古

雋語

清時羊傅閔浩劫魯王宮絳節何人在紅嵐自古同雜

花供老眼宿鳥散晴風咫尺文丞相幽襟許更通

即事

自然細鍊

文墨紛填委明缸坐夜闌亂絲抽刃易曲木中繩難野

草偏侵路山路泉總下灘不辭揮汗苦微義矢河檀

五言排律

詠懷六十韻

借景摠情願得全首起

鯤壑潮聲壯龍峯曙色鮮時館于龍山僧鸞飛惟一

躍豹隱又三年憶昔誇蘇頌于今老服虔空餘心耿  
耿浪說腹便便春夢虛回首秋風懶著鞭寂寥無物  
色排遣有詩篇郡守真張詠經神亦鄭元種桃依砌  
下懷橘拜庭前豈意垂髫日頻登割炙筵少蒙郡伯  
張我母夫  
子甄拔令入書傳金簡字人對玉堂仙公乙未  
翰林東閣  
陪清譙西園擘彩箋郡署有紅梅  
閣西花廳侍投常擁矢學射  
試鳴弦譜得紅公曲平分白打錢藤花明月夜柳絮  
夕陽天署西有紫藤花一  
架高柳十餘株荀令香三接黃公秋丸遷  
公辛亥音盛紹觀客士從遊蓬島外明州有  
蓬島山小憩刻  
子晉兩浙江南茲運司  
溪邊石閣窺金帙四明范氏天一  
閣藏書甚富蘭亭仰昔賢紅羊  
驚破膽白鶴喜隨肩在四明被火  
後赴有試鳳閣絲綸下熊輿

過節處有紀律

情韻悽婉

鼓吹闌海王功益溥食將筮無偏地是瀛壺勝山多  
觀閣連六橋晴走馬雙塔晚移船運使駐  
武林寺古看飛  
石亭孤挹冷泉春衫梅嶺雨醉帽柳堤烟織錦絲絲  
巧聯珠串串圓遠圖丹桂折小枝綠楊穿火老悲淪  
謫諸生歎棄捐癸丑公罷  
官出戍感深平樂酒淒絕伯牙絃  
綠怨空心草紅啼化魄鷗狼河愁黯黯雞塞恨綿綿  
未定瞻烏屋全無種芋田折巾仍面氎懸室有青氈  
郭管催花放韓香著露研烏衣相問訊絳節且周旋  
小酉晨忘食先庚夜不眠旨甘供菽水辛苦事丹鉛  
厄運森摧樹傷心淚湧川丙寅丁卯  
師相繼逝牢騷何太甚  
俯仰益蕭然倦矧將雛燕哀鳴挹葉蟬稻梁謀未足

藥餌債誰蠲愁緒嗟盈百浮名愧半千月卿金鏡朗  
星使玉衡懸弱水舟難渡昆邱路又遭栖栖徒爾足  
忽忽已華顛冰雪寒逾潔松篁晚更堅往來雖坎坎  
朝夕尚乾乾浩浩皇風扇期期聖教宣崧高蚊欲  
負溟濶烏能填碧艾脩初服青雲香夙緣旁人應目  
笑薄俗貴腰纏已自忘壺碎何能冀瓦全義之聊習  
靜摩詰或談禪舊翳金篋刮新詩石鼎煎飽餐霜下  
菊穩坐火中蓮鴈戶無多稅蝸居只樓數椽任從嗤  
縱穢懶復卜筵筮要路休投刺窮途且省愆別離情  
惻惻伏臘涕漣漣沈約頻移疾原思不受憐歎歎懷  
逝者顧顧頷頷終焉

哭從弟瑞璇

平生迂到骨只共阿戎論野鶴清相和原鴿義更敦入  
雲凝石色流雪淪江源洗眼頻揮翰披顏輒命樽叨居  
一日長直作六親尊少為點勸詩宴坐書連屋幽尋月  
滿村別離如昨日山問慘遺言颯颯垂衰鬢蕭蕭憶故  
園魂難招屈子後未卜臧孫同穴歸何急未有嗣息弟  
他人語正喧覩覩者衆覆巢號怨鳥子規越人名怨鳥  
失侶慟窮猿絲竹中年斷軒庭落日昏未成詩五字先  
點淚千痕却願腸空轉長懷聲暗吞

七絕

何旦

海南都巡檢歸裝惟東坡詩文一篋曰此海  
外奇珍也

大我仙子下儋州  
逸翰紛飛鴻爪留  
總把奇珍充宦橐  
南海巡檢也風流

山雲征蠻將軍封侯遠伯伴問老卒鄭罕口賭遺  
可取否對曰如白袍上污墨點亦不可也大  
賞歎

試把屢辭問鄭罕  
桂林老卒亦人豪  
征蠻却愛山懷遠  
墨點何曾污白袍

陸績鬱林太守渡海舟輕載石乃行人目為鬱林  
石今尚在岸上

太守歸來帆海時  
急裝何事却遲遲  
鬱林遺石傳千古  
絕勝襄陽江峴首碑

許巽和滁州却官吏送互送月錢一郡蕭然人號  
為耐貧翁

蓬廬藿菹舊家風  
一著朝衫便不同  
相送月錢從未取

世間惟有耐貧翁

王宗已增城令治行為嶺南第一孝宗書其名于  
御屏終朝奉大夫紹興丁丑進士

照耀千秋汗簡青  
果然足用在通經  
終南第一廉平令

早有香名上御屏

王介雍特奏召為光澤丞及去繫一杖步行

特奏當年有賜衣  
一官莫笑半通微  
清操誰似王光澤

徒步空持一杖歸

一拂先生鄭監門  
伏擅發馬遞進流  
民圖

一拂先生鐵作肝  
故將馬遞進朝端  
小臣尚有回天力

媿殺三臺獨坐官

開過先生吳海博學負氣節著命本一卷集古今  
善行綴以徵應婦孺皆曉遠近爭購之

聞過齋中晤古賢天人徵應手親編鄉閭兒女爭傳說  
購得先生命本篇

陳夢烈

仙遊人紹興庚戌進士調連江尉以捕寇功擢知尤溪立法均輸監課便民授兩浙運管終知建昌軍

丁課何曾貸一文鹽官乾沒漫紛紛均輸立法民稱便  
只有尤溪舊令君

王以詠

歷知含山縣以岳飛薦累遷知衡州帶有積鏹或以羨餘獻却之終朝散大夫

積鏹何堪墨吏侵百千標識杳難尋衡州羨獻終能却  
不負當年舉主心

陳汝器

仙遊人家居積善一夕飛錢滿室祝日願生良子錢乞減半後生季子可大大觀進

士歷官有善政祀福州漳州名宦

聞道清源積善翁別饒陰德格元亨佳兒官業堪千古

不獨飛錢滿室中

方于寶

紹興十六年免解進士因進風駭大全一紹興十六年免解進士因進風駭大全一極盛

琅瑯麟鳳擅英髦更有莆中甲第高百卷風騷經御覽  
從教免解賜宮袍

蒲堯仁

字彥性福清人乾道六年知泰和廉白端謹自奉尤薄嘗曰吾不欲以口腹累人開輟俸餘散之貧去之日民費錢帛送之一無所受龍圖學士胡鍾薦之曰所居民化所守不遷

清俸無餘總為民龍圖學士薦章新長官廉白今何有  
口腹原來最累人



漳州竹枝詞八首

琉璃高嶺界漳潮玳瑁名山對麗譙可信青天連碧海  
水晶坪外是雲霄

琉璃嶺在詔安縣與潮州接壤玳瑁山在郡城北水晶場通雲霄鎮按郡境還初皆海

問左公親盡日開鐵衣老將罷征蠻便從赤嶺三义路  
來看青童七子班

父老為人排解曰公親郡東關外有赤嶺三义河小却梨園唱閩音童子七八日七子班

萬枝火炬滿城紅隊隊橫吹馬上童迎徧闕候又天姥

耳邊長送鼓籠銅

迎神火炬大十圍數人共擎一枝炬以干計自春至夏不絕

鷺島妖姝臉似霞瓔珠馬傘常宮鴉衣香人影匆匆去

枉奪破龍溪十萬家

迎神架閣十餘皆艷妝厦門女兒戴珠絡白紗笠帽名馬傘

扶留籐子古賁反買得仇家笑口開更有朋親情誼重

工夫茶滴小瓊杯

扶留與枝留籐一名葉古賁反合食逢入必以栴柳相敬仇家一見栴柳即釋恨上客薦以小杯曰工夫茶

貼地蓮花襯木頭花包應恐眾花羞唐裝未改文公禮

多少珠娘墜玉樓

婦女鞋底襯以木頭約高二寸出門則戴花色布衣大袖如唐裝皆朱子道制郡志烈女最多

占得蝗蚘是土豪大人聲價却高高文章真箇如章舉

會向端門賜錦袍

郡志蝗蚘多為豪強所占舉貢以上皆稱大人書齋文宴必用章舉取其足致連園科名素盛

仙掌為籬好護持霜中竹樨斫來遲紅糖三煉成冰後

又見園丁賣蔗龜

多植仙人掌為籬落木綿村產蔗絕佳節潤而皮不紅別有竹樨斫以為

糖蔗漿三味為水糖蔗根三年生蔗龜如未蛻之蟬色黃燭食之良

浚渠

鵬盡南州未覺寒萬夫畚鍤聚江干清漳故事君知否  
例有新歌付史官 借用漳河事浚渠亦鎮漳事

築戍樓

北郭晴雲拂鳳頭西山爽氣入瀛洲他年若問籌邊略  
試上西安北固樓 許樂山元戎鎮漳時築樓于鳳頭瀛洲及城四周顏其樓曰北固西安東

殲寇二首

拖頭突騎掃妖魔蓮幕春風唱鏡歌萬戶並陳五雜俎  
九重遙賜一封駝

下筆時自覺躊躇滿志

玉帳銀刀殺氣雄靈著採取紫金筒紅旗飛報將軍笑  
橫海長鯨手 落 並卯日擒渠果驗

丹霞書院

送對丹霞山前有鉅湖  
名山終日對丹霞都講開門向水涯應有水仙無處覓  
西風吹落白蘋花

荔花

軍諮祭酒側烏紗判罷官書吏退衙怪底游蜂爭繞樹  
一庭新放荔支花

佛桑

佛桑花映曙霜霞明直把衙齋作錦城昨日芳華今日  
謝鳥啼還似說無生

番樣

嵇含狀物本來真近日南中物又新黃彈紅梨誰識得  
更將樣字問番人 字書無樣字

荔枝

譚吐新傳

名園一曲荔枝香爭羨王家十八娘南海紅雲空設宴  
幾曾賞識到劉郎 廣南荔枝不及閩中  
香醴綠淨水晶毬玉液雲漿繞齒流不愧湖山號南勝  
果然風味壓南州 南靖一名南勝所產水晶毬最佳

夜來香

松毛棚下曉風涼火色牙蕉映畫牆不用銀荷添甲煎  
綠英新綻夜來香

玩月

瑤階百尺淨無塵娥月娟娟坐近人閑捉畫蟬招夕爽  
紅蕉風動紫荷中 廳前階石巨者長七八丈

故山

天與疎頑合賦閒偉元茅屋白雲間青燈翠帳漳江夜  
歸夢時時到白巖 白岩山在瑞安東郭

懷沙塘故居五首

斷橋直汊向沙塘湖口有西壽橋僅存一柱大樣山前  
是下莊三百年來風景異花壇空照月黃昏故居有花

壇今廢村名下莊

枰欄園角竹根旁幾度擎舟訪舊莊鶴髮雞皮遺老盡

人物互寫風人之情

烏桺依舊飽風霜屋後桺二株已數百年

漳澳山腰落日曛白楊青草幾家墳年時不上龐公塚

夢逐紅泥隴上雲時余游漳三年矣

生涯合在貧營谷谷口雲深松竹綠商顏隱士不歸來

誰唱療飢紫芝曲

萍泛寒潮少定居故園蕪沒竟何如雲山舊約難忘却

也學泉明賦愛廬

### 沙塘懷古五首

海角波濤本渺然滄桑往事到今傳眼明今日東西澳

龍漢年間賊客船東西澳村名山中往往掘得海船大釘

貧營峯頭君子石萬仞丹梯倚空碧春秋大義復誰傳

三雅空疊戴憑席宋林介夫先生講春秋于君子石

曾聞書屋繞林於牛角邊潭涵碧藻長憶風流老徵士

空山流水自幽居族祖養初府君有貧營書屋蓮池在牛角潭上

襄陽祠前湖水深楊家橋口古榕陰迢迢烟水鳴榔去

龍攫飛梁何處尋先相東園公為襄陽守祠在下莊漢口康熙丙寅雲聚橋為龍攫去橋石一空

雲碓山泉日夜春僧櫻輕打午時鐘月泉吟社遙相望

却將朱軒幾度逢李德基先生有月泉吟社郡守何公文淵屢造焉

### 蕉花

搖曳東風綠錦拚紅綾千卷寶書披蓬萊閣下花長好

那用邊鸞畫折枝蕉花最耐久

素馨

梅檀蒼菊不差分好把銀絲綰素馨偏我六塵無處著  
妙香難遣勇盧聞金鼻不靈

鳳仙

碧欄幾曲護仙葩十指纖纖攬曉霞流水落紅風調美  
女郎只愛女郎花  
媽然紅暈比燕支淡白仍兼玉雪姿元是仙人十洲地  
故教鳳女待銀墀

盆魚

眼看魚兒子長魚苗紺尾三稜自在搖江到龍門高百  
丈養成紅鬣待雷燒

投壺

君子亭前射的回紅闌廳事暮仍開蓮花驍應蓮花漏  
紅額蒼頭盡上才射圃有君子亭

晚吹

紅牙百尺接天皇銀燭無光月滿庭三會清笳催夕漏  
金風吹送玉玲瓏玲

明遠齋漳署

明遠齋中百草花青蕪殊不類官衙惟餘壁上新題句  
不是蘇家即白冢

即事著書

學技汗漫久亦工可憐歲月去匆匆廣川不著天人策

工綴

雋快

也是浮光火石火紅

壁題百新書舍有感 津署

標題髣髴記前塵絳帳烏衣一色新太息臨川成佛早

十年零落小園春 及門吳耀奎錄今日新書舍前有小園病瘵早卒

挾歌 謂之秋歌葦祠皆然秋歌燈

有子矜城闕之慨

鳳麟家世讀書郎都著宮衣作艷粧刻意思春歌宛轉  
爭教蘭子不輕狂

歎故鄉 酷吏權縣事史名默

入宅飛來虎使君磨牙吮血不堪聞六千里外無消息

慘澹江東日暮雲 城南有飛雲江時親友多罹其毒半歲未得鄉耗矣

羈客無端憶故鄉憂心耿耿漏偏長飢民飢死猶聞可

情何以堪

更割飢腸飼虎狼 年飢不報災守令轉道貪殘

曉發滕縣

卷地西風百尺塵青螺頭上曉霜勻花朝時節却滕路

不見花開白似銀

阻雪

黃旂高颶米家船只在隋皇古岸邊一夜朔風剪麤雪

江南二月水如烟

六吉齋詩鈔卷四

瑞安 鮑作雨雲樓著

寒食縉雲道中

容易年光又禁烟晴雲閣雨水樓前莫嫌山縣如丸大  
萬樹梨花帶楮錢

玉泉洞 瑞邑龍山下俗名蝙蝠洞

橫笛何年出樹中洞天海眼暗相通道人一去清音歇  
賸有千年服翼紅

蔡侯祠

蔡侯名敬則漢時為東郡都尉治瑞安有伏虎異蹟歿為神亦邑人

搏虎行祠上已前野花如繡柳吹綿浦城簫鼓金輿出

無數游人拜墓田

邑人以三月朔日上墓侯冢冢在周

觀潮閣

在西崑山山有馬真人丹臺今廢

誰識丹臺冠紫霞  
惟餘石澗入山家  
振衣直上觀潮閣  
萬里晴風送雪花

陶山

相傳陶貞白隱此

寓意不盡看破南朝人物  
總能作此語

挂冠已作華陽隱  
煉石何年到此間  
只為金壇落人境  
南朝宰相不如閒

登觀海亭

在龍山巔

山外長江江外山  
翠屏缺處海門環  
世人不識三山路  
笑指烟波咫尺間

渾脫

寒夜登龍山

先生赤脚踏層冰  
步上寒山最上層  
星月滿空天不夜

銀河一道直如繩

龍山方丈即景四首

地近諸天不染塵  
松花梧葉一時新  
疎黃嫩綠深紅色  
總是徐熙畫裏春

浦屋春雲縹白綿  
憑欄一望意備然  
十方世界全無影  
人在維摩最上天

鯨吐鼉吼水中雷  
江上春陰拂曉開  
葉葉輕帆飛淺島  
海風萬里送潮來

月上松梢羯鼓停  
四垂天接萬山青  
漁燈明滅蘆塘外  
始信江湖有客星

超出一切禪意



語淺意深風物之感惟因  
時觀化者知之也

夜雨

夜烏啼到五更頭風雨蕭蕭近麥秋却羨鄉村小兒女  
春花判盡不知愁

彭蠡

潮落蘆根淺水流石烟沙狗任窮搜蟹骨忽動千年恨彭  
越無端又見收

詩人善諧

董江都

漢家多少賢良策第一江都經術醜潦倒左官終不改  
翹材館裡又何人

賈長沙

河南太守治第一第一奇勛是進賢若使吳公居鼎鉉

長沙何用後人憐劉君何事到長沙

司馬子長

太史彤庭廷珥筆時邊庭情事本難知平反無復張廷  
尉一語焉能沮貳師

司馬相如

粉署為郎早入賢文園歸去素心違如何千古凌雲賦  
只有同時狗監知

杜司勳一

十年一覺揚州夢刻意傷春杜司勳憐汝銷魂春又到  
桃花含笑對孤墳冢有桃花

陳生

借景點綴宛轉關生

文人輕求起者當以此二  
句為座右箴

翰藻聯翩思不羣少年頭角露麟文陳生四十猶牢落  
半為當年畫紫雲

流蘇花帽紫羅囊淺碧春衫繡兩當却笑樓船下東海

更從何處覓仙郎

胡曾有東海詩

### 畫馬

一帶金堤柳似烟霜蹄刷破午晴天畫師定是真韓幹

買得駢駟不用錢

### 湖上晚歸

綠楊萬樹蘆蘇隄水色嵐烟四望迷回首六橋行處盡  
斜陽只在北高西

北高峯名

松風謖謖露光微滿嶺蕭騷落葉飛

度萬松嶺白雁數

聲蒼霧重月鈞依照一人歸

### 久寓童叟寺

驚心風雪已殘冬卧聽香林早暮鐘惆悵欲歸歸未得  
越山紅樹幾千重

### 雪後望會稽山

行到山陰不見山素娥端坐白雲間紅輪高出扶桑上  
七寶菱花照玉顏

### 觀劇

銀燭光寒桂綠桂香鶯聲嚶嚶玉釵長千金賺得韋公  
子老去徐娘獨尚擅場

讀書應有斗量癡禪榻春風兩鬢絲紅袖歌童空下拜

不將榆莢贈楊枝

即事

彩筆凌雲賦子虛宮  
槐花落閉門居魏王  
瓠大知無用  
白髮青山自著書

有磊落自許之意

夢中聞詩

翠篠風來四體輕  
忽聞佳句誦分明  
惟餘蓬島千年碧  
別有音塵一片清

二句夢中所聞

夢中觀書

書懸空中

萬丈丹梯倚帝臺  
寶書一卷捲拂雲  
開人間才子知多  
少總讀虛皇玉字來

悼弟

哀麗中仍有靈氣集

第一傷心落鴈天  
雨聲淒切淚如綿  
如何朱鳥窓前客  
只住人間十八年

半山寺

平陽

山光照戶翠侵衣  
白雲蒼鶻相追飛  
巖頭月出鐘磬歇  
碧眼老僧采藥歸

玩月

雲淨天高水鏡新  
千年舊恨細如塵  
玉孃都解偷靈  
藥誰似銀泥殿裏人

陰林

蘆葦

節近中秋萬景清  
月華如水夜雲輕  
生憎惡木多陰翳  
障斷銀蟾更不明

秋梧勢敵

梧葉陰濃夏日長  
綠毛倒挂露珠香  
松疎竹瘦應難比  
底事秋來不耐涼

武林訪宗人

每向珠宮問榜花  
吾宗相望在天涯  
雖然化作身千億  
眷屬元來是一家  
山左山西鼻祖同  
洛陽轉徙到江東  
參軍才盡何妨也  
瘦馬依然行步工

釣臺

兩岸青山雲黯黯  
一溪碧水石琤琤  
釣臺獨立無人境  
始信先生不世情

聽雨

剪燭西窓夜漏遲  
雨聲輕滴百花枝  
關山萬里常為客  
腸斷家園正此時

紅樓

前傍青山後枕湖  
桃花流水繞春蕪  
紅樓一角紗窓曉  
添箇人兒是畫圖

早發瓜溪青田

曉日蒼涼早鴈哀  
滿江宿霧未曾開  
窗即對面不相見  
只道雲帆天上來

苦竹渡麗水

兩岸青山鳥亂啼  
人家都傍竹邊溪  
瓜皮艇子人爭喚

纔到東頭又向西

贈醫士

鳴騶來訪董仙家門映瑤天十色霞巧使兒曹妍又悅  
不須和雪饋桃花

仙靈瓊膏滿上池金丸綠葉一枝枝壺中天地供游賞  
更許騎龍到葛陂坡

慧眼遙覘垣外形平頭奴子曉盈庭晚歸小閣薰香坐  
細削元珠甲乙經

丹室烟青幾十年薑芽手動便回天蘭宮更待 軒皇  
問乞取醫燈照大千

許耀祖旋甌

寒林日落萬峯西重過飛鸞路不迷屈指到家霜降日  
哀猿冷鴈共悲啼歸家聞喪

讀許忠簡公傳公名景衡宋右丞

廿番奏凱請還京百萬貔貅護禁城河北山東一時陷  
知公遺憾是南行

讀葉水心集幼林果疏甚激切

大易西銘議論殊即官上殿正趨趨干城吾道推仁勇  
不獨雄文冠宋儒

陳宜中

如何一死償宗社監押猶煩寶劍揮張士楷木  
綿唐詩豈有名  
臣翻黨惡須知千古有公非宜中殺鄭虎臣為似道報

有變動之致

復齊息園侍郎修溫志入名臣傳俱矣

明妃祠

青冢長留大漠間  
分明奇蹟屬紅顏  
琵琶莫怨君恩淺  
長信宮中盡日間

蘊藉

古塞下曲

黃沙白草玉關秋  
寒雨寒風入戍樓  
已是十年征戰客  
更堪橫笛唱伊州

嗣響右丞

書樓

草元亭外蒼烟冷  
爾雅臺邊古木秋  
誰是華陽真隱士  
擁書高卧第三樓

不寐

卧聞衙鼓報三更  
但覺鴻文滿腹撐  
安得青天都化紙

彩毫題徧墨雲橫

珍蠶 永嘉人輩蠶秋抄曰珍蚕

古往今來共一邱  
年光付與水東流  
經綸縱滿珍蠶腹  
其奈霜鐘報晚秋

雲錦

好是天孫一疋雲  
卷舒萬變自成文  
夜來獨擅神針巧  
不為官家織罽紋

中有身分

帆海詞

北風打頭那可行  
南風霧重雨交橫  
海艤辛苦言難盡  
三月郵籤九十更  
夏至後始可放洋北上海中南風常

霧雨陰晦夏令亦有北風狂暴自福州五虎門至天津海道九十更

龍骨雞胸衝浪穩銀同新樣果然佳晚來風緊愁泥爛

更遣工師製旋鞋近來戰船皆仿同安旋船下有龍骨前雞胸可涉橫洋巨浪旋有鞋才不走旋

走旋

拜枕開頭出虎門兩山齧齧水渾渾回霜已過三沙近

萬頃澄鮮碧玉痕閩安五虎門水淺必拜枕乃可行舵上層如人拜也四霜三沙福安島名內洋水濁外洋水清碧遠洋皆黑水

上層如人拜也四霜三沙福安島名內洋水濁外洋水清碧遠洋皆黑水

打鼓朝辭烽火寨插花飛過鳳凰山狀元灣口停舟處

回首黃華是故關旁加布帆曰插花鳳凰山在瑞安界狀元灣與黃華關相對

金門石浦水鄉連瓦屋螺青萬灶烟別有燒畬了十萬

新從海外闢南田全策門石浦皆濱海大集南田島名

舟人遙禮補陀巖轉入青龍灣復灣七十二礁渾不礙

當門無那五魁山青龍港名定海有七十二礁海口有山曰龜山俗多淫佚改名五魁山

花腦礁邊雨似烟陳錢山外水連天行厨茶竈都更置

火伴爭登船上船陳錢山一名盡山其外皆黑水洋無山無岸海泊棧大洋即以舳板船置

船上

直把長天作水涯更無驚嶼與鷗家喜峴山左千重島

怕說江南五疊沙廣闊廣船下有務要避江南五條沙直從外洋赴山東諸島泊船

我舸凌風不計程更香沙漏也分明夜來卧聽鼙鼙鼓

日上船艙恰四更舟中無五更

風姨孟浪鼓驚濤顛倒裳衣卧亦勞扶上野雞蓬上望

排空萬壑雪山高船樓曰雀室俗稱野雞蓬是時五尤大作顛簸巨浪中半月有餘

奇變

析木東頭深又深天光雲影夜沈沈  
縱然水托頻頻下可有絲繩百萬尋

篙師以水托探水淺深內洋數尋至十餘尋外洋數十尋至百尋黑水大洋無底不可探

槿條巧謬作芭籬海帶千重屋背披徐福田橫行不到  
俚人俚島也相宜

俚島去滄城縣卅餘里居人以海帶從屋

烏石山頭望海臺層陰解駁午晴開巨靈新擘西山脊  
又送銀濤入汊來

俚島有烏石山

羅襪凌波雪歸來江南客子笑顏開沙船三月猶拋碇  
夜夜行雲繞楚臺

島妓暮入船晚登岸名雪婦謂其見現則消也江南沙船平底平

島田曉確賴鮫魚見說漁丁計又虛校衫笈管割畧盡  
空舸載月欲何如

島中漁船小近年被江南漁船劫掠

海外烏丸指舊封羨門高誓許縱容蓬萊已是仙人島

况過蓬萊島萬重

蓬萊在登州

南人解唱齊天樂北海真成清夜游月白天青波似鏡  
風帆一霎過登州

水手皆閩人善唱下南曲

行過文登彈子窩曾聞碣石渺烟波四千年外蒼桑變  
誰識沙江是禹河

津門欄江沙外更無碣石知淪海之說非妄

十分明月十分潮曲港紅旂次第招人到海門頭已白  
平明騎馬又趨朝

六月十五日至天津

絕技雖慙鄭廣文偶騰虎檄掃狼群稻脂又載昆明去  
好練龍驤水上軍

黃篋蓬高拽綵難牙樁千尺枕含檀二分足立浮雲外

古今水道此詩見大有關心

總非筆墨纖響



奇險地佳在出以自在之筆

斗手低頭看馬韓戰艦筏蓬重萬鈞舍檀船面大梁斗

橫海將軍一寸丹石尤雖暴也迴瀾披裘六月君休笑

黑水黥黥海氣寒黑水深洋水如濃墨寒甚六月著裘

入海城成山扼艮維濤凌濤不敢撼懸崎義和整轡天

吳伏臺鼓爭祈日主祠俗傳成山頭無浪舟過必祀成

水鳥拚飛劇似鷄又如鴨母浴汀潮吞舟漏網魚多少

豈獨奇貪是海貓海貓狀如鷄聲如貓善攫物山東諸

移軍局

甘露亭前翠作堆三峯真箇應三台敗棋一局憑誰救

賴有平輿國幹來

中元

定心無驚猜亦喧寂一  
致於此詩可見

月影橫窓丁漏懸滿城急管又繁絃牀前鬢鬼通宵樂

不殫華山處士眠

睡起

八尺風漪午夢涼方疎紗薄漏斜陽情塵不染空江水

惟有蘋花自在香

示兒

故人麾去月黃昏里老邀來酒滿樽不是前人志遠慮

長留青白與兒孫

辛卯元日率題八章

平生心跡少人知有意來知也是癡立德立言歸性分

休論當世信和疑

有真見地人語

一入人間名利場，剛腸容易化柔腸。平津曲學真堪笑，若個男兒豎脊梁。

詩詩鬱鬱，回剛腸，邑前孫敬軒先生。事盡真閱歷之言。朱文公云：男兒須豎起脊梁。

儒家崇實釋家空，浪說空空妙不窮。須信三才都占實，丹心白日同共曠。

當道豺狼慣噬人，一羣饕餮解吞銀。天公會鼓洪鑪火，燎盡兇禽作粉塵。

立政當官貴自強，苞苴杜絕四維張。文經武緯因時布，廟食千秋玉精香。

漫學梁皇懺悔誠，可憐荷荷餓臺城。邪臣惡子滔天孽，拖盡金錢贖不成。

宣父當年不語神，辱收降罰本來真。婆心未冷輕饒舌，喚醒夢夢一世人。

改過吾儒第一功，纖毫改淨是中庸。莫言市僧難成佛，放下屠刀也月同。

借箸八章

舟山面面枕重洋，徐鄭蹂躪事可傷。繫尹應蕭團練使，健兒十萬鎮巖疆。

急練，鄉勇以備不虞，安可忘危。千載。

捍海為田水滿坑，窮黎至竟少餘糧。信知繆宰文章美，苦勸村家築義倉。

多設義倉，康熙間大尹繆公燧有義倉二記。

簪筆雍容上玉堂，奪標誰不羨袁張。皆宋李甫明張信環，山滴翠滄波澗。再看青冥鷺鷥翔。

再振文風，山海雄秀，應有秀才可育。

統註詩尾作一筆

射工如鬼巧含沙符牒輕飛便破家憑仗神君霹靂手早  
主銷牙角事桑麻長慎勿留滯殃民

俗染東夷未甚良大家作使却鄴倡丁孟為囑春歸燕  
莫戀盧家玳瑁梁嚴禁寫娼良家子弟多為狡邪之遊

不坐蜂臺演鹿車紛紛行脚到人家香閨莫漫求心印  
未必沾泥是柳花重想奸僧俗尚依佛僧多穢行

鼠子么膺亦跳梁軍官休卧綠沈槍朱提買得窮途客  
慙愧金符肘後黃詰盜宜嚴從前大帥專以賄惠盜業

四顧山光接水光蓬萊從古是仙鄉土花斑駁千年礎  
應有遺民話李唐古蹟可復衛山舊屬蓬萊鄉今尚未

題漁洋山人精華錄

李杜光芒萬丈長江河亦不廢王揚老來自怪菁華竭  
却愛山人巧饋糧

題小倉山房詩

六千宏富屬袁絲輕浮薄為人世盡嗤我贈一言君自  
道不相菲薄不相師末句即袁論漁洋句

秋晚

畦稻初黃蟹漸肥未寒先已換冬衣一天微雨秋陰淡  
胡燕翻飛尚未歸

舊恨

一錯如何鑄六州青蔥玉樹萎先秋平生未會元珠妙  
地老天荒恨未休

即用愈句最得

讀此令人心酸

終古難捐父子情，那知大分判幽明。縱然傳得療愁唱，  
無復昏朝軟語聲。

和文山先生詩

吟罷零丁洋裏詩，忠肝磊落天老知。武夷舊隱翁洲夜，  
六百年來此會奇。

辛卯初春

紫陽宮裏罷朝參，絳節朱幡擁玉簪。憑仗山人拈桂葉，  
凌風一瞥到淮南。

追憶

銀燈底事落層檐，幽意透將雅韻招。誰似吾兒真血性，  
仙才儒行一身兼。

孺慕

年年景物逐星移，總是高堂曳杖時。身世萬緣雖掃盡，  
思親不見獨啣悲。

小航雪泛至諸暨

一帶銀塘遠玉山，琪花瓊草遍汀灣。黃金已盡貂裘敝，  
一笑仍開壯士顏。  
阿誰糝遍水精鹽，三白傳來太史占。回首錢塘江上望，  
波斯銀鑄萬峯尖。

奉化道中

雲暗千峯雨意多，蒼芒黃穗足嘉禾。高高下下山村路，  
聽取秋農擺耜歌。

黃岩道中

蓋輿鎮日傍山行  
雨冥冥乍放晴  
暫坐小亭玩巖瀑  
白波亂迸怒潮聲  
憇遍長亭又短亭  
萬松合沓四山青  
蟬聲噪處人聲遠  
獨倚松根仔細聽

趙家渡乘舟至馬頭山

澄江曲曲抱山流  
雨歇風微漾野舟  
古步破樓隨意宿  
宜人清節晚山秋

甬江夜泊

浮橋西畔泊扁舟  
徹夜笙歌咽水樓  
若使吳王聞此樂  
也應歸老老甬江頭

銀杏避雨

野館深林曲澗間  
四圍濃綠雨中山  
行人半日間吟坐  
爭似山翁一味閒

六吉齋詩鈔卷五

瑞安 鮑作雨雲樓著

七律

題許樂山總戎歸養圖

破陣威名說虎侯，旌旂遙拂鳳麟洲。  
天池秋淨宜高枕，勳第春融看卷鞫。  
紫誥飛來頻舞鵲，白華歌罷又推牛。  
畫行衣繡尋常事，陶侃於于今足儔。

擬杜工部秋興八首

天將熊旂奮羽林，闕樓鼓戈甲正森。  
森疾風灑瀕千重，險斜日峩眉萬里陰。  
臨水登山孤客淚，憂時愛國老臣心。  
不堪薄暮秋聲急，落葉哀蟬戍婦砧。

溫雅

商聲激林樾

千乘萬騎入褒斜  
去秋來惜歲華頗  
頓容顏江上柳  
飄零踪跡海邊槎  
玉階虛憶隨天仗  
山閣頻驚咽暮笳  
回首故園何處是  
重揮老淚看黃花  
天旋地轉日重暉  
九野星辰拱紫微  
邊寇勢如巴水急  
隨陽心逐塞鴻飛  
螭頭獻賦功猶小  
燕頤從軍願又違  
賈誼尚能憂漢室  
治安豈為一身肥  
萬里關山一局棋  
風塵瀕洞使人悲  
艱難百戰未寧日  
芽蘖三朝全盛時  
地入南夷何漠漠  
天迴北斗莫遲遲  
王侯第宅誰為主  
獨卧秋江有所思  
猿啼客嘯大江頭  
極目蕭條故國秋  
秦地烽烟驚旅夢  
漢家宮闕鎖邊愁  
朝元閣上巢黃雀  
凝碧池中起白鷗

哀麗

正憶霓旌下南苑  
鸞歌鳳吹滿皇州  
未央前殿冠崇山  
五色雲飛閣道閒  
御苑通溝分八水  
離宮俠路枕重闕  
燈搖玉樹近仙佩  
露裊金莖駐聖顏  
秋思不離天上躡  
君恩何日禁中班  
秦時城市漢時多  
功多少樓臺入畫中  
十二金人擊曉日  
五千鈇馬戰秋風  
江頭烟艸銷殘綠  
殿角霜楓捲落紅  
一過劔闕天地小  
牢騷休問碧翁翁  
千尋錦纜自逶迤  
仙侶同遊到漢波  
紫閣風翻紅蓼葉  
藍田月挂碧梧枝  
中流簫鼓聲爭發  
過眼烟雲境已移  
聖主當時勞顧問  
悲秋此日淚空垂

水向西流人向東今年光景昔年同紅燈畫舫遊天上  
翠嶂雲嵐落鏡中峽轉駭翻三尺浪月明穩挂一帆風  
勞勞塵鞅誰能脫羞見羊裘垂釣翁

寫燈

青旻無際一燈紅巧逐飛鸞上太空銀燭有光凌北斗  
雲衢無碍趁東風橫過樹杪星當戶直到天心月正中  
我欲置身霄漢上金蓮送入蕊珠宮

病後嘆

百年人事未及半十日卧病已難堪力將衰矣伏櫪驥  
絲欲盡乎上獲蠶行止何須問周兩畝依總不在瞿曇  
一朝聞道夕可死安得至人為指南

三四劇南集中抄句

林敏齋太史出守重慶

三十年來同舍生纔分銅虎領專城鯨橫遠海幾千里  
霍宿空山時一鳴旆到三巴捫井上船牽百丈截江行  
故人已作逍遙叟聽取文翁化俗聲

龍山晴望

目極長天無片雲一般紅玉散晴雯千山紫翠浮空出  
四野青黃逐段分塔上風鈴真鳳吹海中烟島小螺紋  
故人多在南溟外可有裁書付雁羣

和姚江同人放翁生日致祭之作

萬首詩題十樣箋滿朝人識李青蓮為官不過二千石  
主盟於今六百年嫡派傳仍此地明禋報享豈非天征



輪到處還祠廟一色梅英照壽筵

有感

第四句深倚

燃藜空照校書郎健筆爭如大雅堂  
閱世漸餘人已老制心無力夢猶狂  
乾坤萬劫終歸盡日月雙梭為底忙  
賸欲燒丹蘊白髮又嫌仙藥污詩腸

老杜詩刻于大雅堂

秋試報罷借放翁句足成一律

懊惱吳歌勿復陳素衣空自污黃塵  
予懷淡薄如流水人世升沈等積薪  
一點不蒙稽古力十分合作卧雲身  
放翁句

希文明道難期待且學歸耕鄭子真

答洪鈍人

洪寄詩有槐黃時節休忘却遲爾歸帆  
白露秋時余遊漳南

漫道文淵勝少遊一鞭款段自風流  
呼童掃葉添茶火

雅韻

對客拈花作酒籌麟閣功名輸趙魏  
雀臺詞賦問曹劉而今拋却高中子  
短髮星星也怕秋

和葛玉書自題湖上校書圖

小別西湖二十春  
支風朔雪遠遊身  
重來蕭瑟泓峥地  
獨羨嶽崎歷落中人中  
秘新書勞點勘  
當年老鉄慙酸  
辛葛遍校文淵閣書  
重輯鉄崖集梓之  
無端幻出維摩影  
照我青臚倍有神

對法變動

曉起

輕霜初點鬢邊毛  
小草斜行已覺勞  
睡意平添秋意冷  
書聲遠歷雁聲高  
生涯老我唯吟篋  
知己何曾脫寶刀  
海外長風來萬里  
乍看健鶻解鈴鏢

激越

東西塔 在江心孤嶼

頡頏七子

百尺浮圖七寶閣誰將鴻筆壓雙巒雲中下瞰江流淺  
天半遙迎海氣寒千里河山明入畫一方城郭小如丸  
登臨已覺中台近手摘星辰未是難

即事呈周續山明府

兀坐鱣堂二十年浮雲撥盡見青天賈生痛哭才還短  
韓子鳴號量又編報國須教心貫日傳經已覺舌生蓮  
男兒意氣誰能屈梁父吟成第二篇  
家無擔石竟何如漫把猪肝付隱居不見王侯傾雀蓋  
自迴天地入蝸廬庶歌夜靜宜金石固穴朝寒校虎魚  
富貴不淫貧賤樂寸心何事更躊躇

沉着道亮逼近盛唐

聞鴈

廖廓秋空一字長鴈臣無數共隨陽在人幕北猶回首  
少婦城南已斷腸更有流哀入笳管不勝清怨下瀟湘  
弋人莫漫施罟繳零落孤鳴更可傷

登中山亭

在郡朝後園

紅亭百尺出烟霏無復驚塵到此間芳草暗隨春雨長  
長焱直捲海雲還丁當環珮三株樹罨畫屏風九斗山  
自是維摩耽習靜宵分乘月叩柴關

名逸有神

哭義園張夫子

萬里歸來兩鬢華 君恩重為建高牙林漓大筆光  
千葉鼎沒殘年判五花暇日題詩真順命 公出戌時有暇日詩草

京塵撲面已無家，鈞天又遣巫陽下。淚盡西州白日斜。

南望溫陵杳靄間，平泉花木紫雲環。文章雅健東西漢，  
昆季風流大小山。寶硯光寒鸚鵡眼，銀河香暖鷓鴣斑。  
故人千里猶洄溯，乞取新書為訂頑。

之江送別

若住清源我住甌，餘杭貰酒共鈞鈞。留花閒列坐，繡金  
葉月下分題詠。玉鈎千里歸心催客權，萬般離恨逐江  
流。銷金錫是繁華地，西湖一名銷金錫何日重來訪舊遊。  
南去長江水接天，故人握別恨綿綿。寧知分手終如此，  
始信同羣不偶然。桂館傳杯常十日，蕉牕剪燭已三年。

浮雲一散何時合，未唱玲瓏已黯然。

晚度萬松嶺

柏葉微紅榭葉黃，晚來峻嶺躡新霜。前村燈火歸漁市，  
上界鐘聲殷佛場。薜荔風涼山鬼泣，藤蘿月冷野花香。  
休嫌入夜行人少，一路吟蛩引興長。

竹床

琅玕十畝繞山莊，誰倩良工巧製床。劇愛清標剛俗韻，  
更憑翠幹納新涼。松窓月落眠高士，草閣江深夢遠方。  
信道此君無熱惱，不須青女又行霜。

紙帳

珠樓百尺逗秋光，紙帳高懸稱竹牀。月鏡流輝彌皎潔，

雲羅照影共蒼涼  
閒吟半枕吟偏久  
熟睡殘燈夢正長  
更待梅花點飛雪  
騷人清興倍難量

即事

坐聞行柝報三更  
且卷殘編繞室行  
性海汪洋誰得渡  
宦途險巇更難平  
已將半晚還靈昊  
未有成書覺後生  
肯為衰翁迴暮景  
好扶方軌入夷庚

書懷庚寅冬翁山官舍

幾度悲來老淚潛  
也知苦恨理應刪  
風花高下人間世  
烟月迷離海外山  
無計延齡藉病骨  
相期幽會破愁顏  
邗江終古流遺愛  
蓮葉舟輕好往還  
不徼榮利不徼名  
撒手清虛寶界行  
世路周旋徒枉道

志在千古

天親凋謝未忘情  
老人少子成千古  
舊恨新愁入五更  
縱有幽懷傳永夜  
却從何處印三生

首春

好鳥聲聲又報春  
懶隨衙鼓振衣巾  
古人鴻烈先志已  
俗士牢愁為有身  
大海濤瀾祛垢膩  
高空星斗現精神  
小儒勿負三雍化  
也是皇家不二臣

一 陳錦堂防海

蛟門東望雪峯高  
百怪奔騰萬竅號  
宋昌國令王阮詩蛟門山下須臾死  
銀刀朱旗日麗軍  
如火白舫烟銷盜  
似毛通年海盜皆乘白底船  
膺鼓已停燈  
又過島民共說總戎勞  
終歲巡海未歸宮舍

雄鍊

慨身言之

雅麗

昌國

舟山海縣

唐宋置昌國縣元升州明裁

國朝為定

昌國孤城少海東四時簸蕩有長風

多颶

山中桂樹招

梅尉石上桃花映葛翁

有梅福葛洪

別塢千重三島近神州

萬里一帆通莫嫌絕壁征輪少

明設恭將

國朝設總兵控制南北要津康熙明

移定海鎮于舟改名定海以故定海縣為鎮海縣

夜月夜 辛卯五月十六日茹商是夜四更月明如

松肪荀脯送清齋玉筴金繩散酒懷曉起題書傳水府

楊越皆

夜深盼月過天街

天街

近向來悲淚為兒盡時

復清談和客佳鑿翠小堂最踈豁且移步屨上危階

解後堂在山坡上

鷓鴣

道麗有神

鷓鴣容易一身安曉夜愁吟思萬端粉署誰教燈燼暗

雲臺只向畫圖看詞臣幾歲紆魚珮野老長年帶鶡冠

高宴未須青玉案衰顏且付紫金丹

疊前韻

夢覺更殘卧未安微吟併起百憂端塵中多少傷心事

物外應須冷眼看豈有神靈親酒食縛無盜賊出衣冠

任取衰髮千莖雪自鍊清衷一寸丹

漫興三章用前韻

參卿坐帳敢求安籌筆先志置端臬端白水漁歌明日

起青銅士行後人看阮孚老去休高屐杜夏賓來但小

冠花鴨不妨分黑白畫熊何必愛朱丹

收是盛唐人意法對此言  
有愧色者正多

撚斷吟髭字字安蝶羅麟錦一端端雲却棋石披衣坐  
翠鎖屏山挂杖看黃卷真如員外律白袍多著侍中冠  
空聞金印懸張顛幾見燕宮伏史丹  
海內蒼生望謝安美人何事隔雲端青冥勲業身先老  
白屋窮愁眼倦看善敗誰欽觀父賢貪求難厭叔孫冠  
綠陰庭院榴花發贏得芳心照日丹

微月

半弓微月著雲黃篝火如星落野堂痛餘未能陪鄭老  
英姿終古望田郎雕龍藻繪真多事斬馬銛鋒出上方  
愧我已衰甘懶慢參卿何補但清狂  
蓬鬢蕭疎白髮黃漫隨年少射東堂大千世界多窮子

渾脫瀏亮

第一溪山讓坐郎其先生陳公傳良讀書仙若朱子題  
號者陳紆紫拖金成底事燒丹養玉本無方迷陽卻曲  
即中還傷足徑欲狂歌學楚狂

鎮鰲山定色主山

靈鰲峯光倚晴空峽斷城連壑斬雄城環山陰沿崖  
札散水陽林徹曙鳥呼風六時晦色開明鏡千載烟光  
冷故宮坐對印臺添遠透秀青螺一點玉盤中  
前對海中五魁山為邑印山

琢鍊不傷體

科目時有贈

風送槐音到塘麻衣獻策出茅堂遠遊莫唾青城地  
得意爭看白面郎不用黃金高北斗便分翠節領東方

弄情激壯

鑑湖一曲仍歸去可憐巖山賀老狂

新秋

井梧落葉已驚秋風定陽驕暑未收水國年年增米價

故鄉五月小旱新米亦貴從來未有大雲片片亂鄉愁定海早更慮吾鄉草堂人

去馬啼樹草堂璞堂故弟所居蓉閣詩成雪滿頭太史周南莫留

滿錦城雖樂是他鄉州

無睡

二更欵枕到天明展轉千端事不成萬感入懷猶易滅

一生幽恨獨難平如何諸葛街亭敗元是襄陽水鑑清

搔首問天天不應愁雲漠漠古蕪城絕句有蕪城賦即廣陵古城也

聚書院講易

唾壺欲碎

百里澄湖一蕪堂海天空濶氣蒼蒼蓮花舌在設周易

檜樹心堅燈妙香千古賢豪皆並友四時烟雨亦文章

舞雩游咏真經濟莫笑嚶嚶也狂

西風

彈指浮生六十年終朝抱膝坐青氈真儒絕業歸貞一

妙道隨時得大圓已覺西風欺瘦骨知皎日麗中天

化土若假尻輪便手把黔雷障百川黔雷造化神名即黔羸

病質

傑閣高軒壓水鄉東窓日散紅陽老知天意催人化

病覺秋心莫嫌自此拾得繡衣辦香

莫嫌自此

明日仍歸去

曉窓又見

著處禽聲各啞來  
黑貂當午曛

王喬白雀幾時迴  
情通妙惡惡親語賦憶靈光冠古才

豈為駐顏求大藥  
朝朝矯首望瓊臺

隊長鄭志賢于役羅陽歸而卒詩以慨之

健鬼幾日不相見  
一病今宵已蓋棺  
湖下老兵行歎息

閨中少婦淚闌干  
驚聞都護惡愁絕  
好在元瑜強自寬

賴有玉書名字古  
長年無謝也還丹

中聯意激詞婉于前明則  
燕大復昌谷之勝



仍歸去

溫州府圖書館